



捐米雜麥為粥分食之人感其
德從兄佑為

藩王長史繫錦衣衛獄宗尹朝夕
供飲食與夫寒暑衣服之奉必
以時如此者凡八年乃得釋鄉
人童惟嘉為都督府掾舉家病
疫宗尹日往視之或沮之曰疫
氣能染人也汝何足哉宗尹曰

疾如可避交義其可忘乎終不
聽嘗適市見一幼女哭失聲問
之曰家無儲米母令鬻網巾換
之被人奪去矣宗尹即與其直
俾得糴米以歸一日感寒疾勢
甚危乃囑其妻曰吾疾恐不起
諸子皆幼汝善撫之幸長必同
爨勿令析也既而疾愈未幾復

病風久不能治遂卒孺人仁和
縣人父成甫邑之茂族母吳氏
孺人之生自幼專靜性聰慧閑
於禮度女紅不習而能父母鍾
愛之年十九歸宗尹克勤內助
以成家業姑老在堂孺人晨昏
奉養極其孝敬姑沒相夫塋祭
必合於禮永繼初夫携家來

北京日服後于公生計蕭然諸子
幼未有知凡家務鉅細以及百
費所需孺人皆綜理之遇歲時
祀事品物必豐潔至於睦宗族
接親姻待鄉里咸盡恩愛宗尹
卒諸子徬徨無怙賴孺人撫育
教誨底于成立所居闌闌中以
蓄貲為業家日以殷自宗尹沒

幾二十年一門之內兄友弟恭
妯娌和諧閨庭肅然無纖毫乖
戾者皆孺人主家有其道也族
有女既嫁而寡日給不足或勸
其更適來謀於孺人孺人曰吾
聞瞿門世守詩禮簪纓相聯豈
有為女而改節者乎於是每厚
資之俾得以全其婦道有宗姪

夏信為匠赴京母老家貧孺人
恒周之信遘疾以沒孺人為具
棺歸其喪宗尹卒於宣德丙午
九月十二日享年六十有七孺
人卒於正統乙丑三月五日享
年七十有二子男四人曰迪娶
沈氏曰迎娶周氏繼王氏曰暹
娶彭氏曰遡娶朱氏女二人曰

泚清白泚寧劉忠蔡旭其壻也
孫男六人珍理璋瑤琦璉珍讀
書習舉子業娶俞氏孫女二人
長適費寬次未行宗尹沒久未
有銘今孺人之沒其子暹將扶
柩歸于錢唐甘溪寨之原與其
夫合塋焉予忝同鄉為狀其槩
如此惟

大人先生采而銘之用垂不朽
翰林侍讀學士邑人苗衷狀

錢唐瞿處士宗尹墓誌銘
朝列大夫國子祭酒前翰林學
士兼修

國史金陵李時勉撰
承德郎尚寶司丞前大理寺左
寺正直

文淵閣同郡凌壽書

中憲大夫太常少卿兼

經筵侍書廣平程南雲篆

錢唐瞿氏子迎奉翰林學士苗
公所為其尊府行狀詣門哭且
拜曰不肖不幸先人沒已二十
年矣今老母又見棄背將奉喪
歸錢唐啓先人之兆合窆焉先
人沒時不肖兄弟愚騃不知求
銘以塋今因老母之喪敢以為

請願先生矜而憐之而賜之銘
不勝幸甚按狀瞿氏之先汴人
也其後隨宋南渡居會稽曾大
父諱大榮元山陰今年老致政
徙居錢唐大父諱文埴紹興路
學錄父諱鑑江浙省雜造局副
使處士諱莘字宗尹天性簡靜
不好華飾孝弟之行聞于遠近

周卹之惠決于閭里從兄佑為
王府長史坐事繫獄飲食衣服極
力供給凡七八年不怠鄉人童
惟嘉舉家病疫日往視之或曰
獨不畏癘氣所侵耶對曰癘氣
可避交義可忘耶不聽終亦無
恙嘗適市遇一幼女痛哭欲絕
詢之曰母令鬻物於市為人所

奪家無宿儲待此以哺今歸不
知死所矣問其直隨與之俾易
米以歸其為人大略類此宣德
丙午秋九月以疾卒享年六十
七孺人仁和人姓夏氏父成甫
母吳氏性專靜慈慧歸瞿氏為
宗尹婦事舅姑備極孝敬順夫
子恪守禮度閨門內外雍睦無

間言宗尹沒家計蕭然所居闌
闌中以蓄貨為業訓諸子無出
入官府勤於生業以殖其家
有女新寡貧不能自給或勸令
改適孺人厚資給之俾得全婦
道內姪夏信母老家貧極意周
給之信卒為具棺斂歸其喪正
統乙丑春三月沒於北京享年

七十二子男四人長迪次迎次
暹次邈女二人劉忠蔡旭其壻
也孫男六人女二人墓在錢唐
甘溪寨之原銘曰

會稽瞿氏家汴梁後從南渡居
南方曾大父榮字伯齡山陰令
尹善政揚致政歸占籍錢唐大
父文埴曰士寧紹興學錄富文

章學錄嗣子鑑元明雜造局副
使浙江處士自幼淳且良讀書
林壑韜其光孝親友弟叙天常
周窮恤匱惠益滂爰執藝事上
神京孺人主饋隨以行一朝鸞鏡
忽分張遺孤子女何徬徨撫育
教誨底于成匪孺人力誰與亢
高年白髮際時康奄忽遺世誰

不傷甘溪之原多白楊佳城往
卜今同藏青山綠水雲茫茫冥
靈安處在中央垂休委祉遺後
慶

故嬰處士宗尹暨孺人夏氏合
葬表

正議大夫資治尹禮部左侍郎
兼翰林侍講學士兼

經筵官前

國史總裁太原王英撰

中憲大夫太常少卿兼

經筵侍書廣平程南雲書

奉政大夫尚寶司卿姑蘇朱禮
篆

錢唐瞿公宗尹以宣德丙午九
月十二日卒於北京之寓舍春
秋六十有七歸葬其邑甘溪寨
之原後廿年為正統乙丑三月
五日宗尹之配孺人夏氏卒壽
七十有二其孤暹奉柩南歸合

葬於宗尹之墓號哭奉翰林侍
讀學士苗公秉彝之狀以墓表
為請按狀宗尹諱莘先世居汴
宋南渡時來居會稽至宗尹之
曾祖諱大榮元山陰縣尹致仕
徙居錢唐遂為錢唐人祖諱文
埴元紹興路學錄父諱鑑江浙
行省雜造局副使宗尹端簡謹

厚讀書通大義不求聞達孝事
二親友愛昆弟交朋友以信處
鄉黨以和永樂初其鄉旱荒人
多乏食出粟作粥以食之從兄
佑為長史繫獄凡八年服食之
用竭力為之供給里有童姓者
闖室病疫人莫敢往宗尹曰疾
病忠難不救可乎躬治藥物為

調治之適市見幼女哭泣詢之
曰家無米鬻一網巾為人奪去
即以懷中錢與之一日忽得疾
語孺人曰吾知不起矣汝善撫
諸子長令同居共食敦孝友仁
義吾瞑目無憾矣語畢而終孺
人處士成甫之女性柔慧動止
有法則年十九歸配宗尹事姑

以敬治家以禮宗尹服役于
北京孺人偕行百費所需宗尹治
辦於外孺人綜理於內為之給
足而自奉甚儉祀先待賓親必
豐無何宗尹卒教育諸子勤勞
備至諸子亦克循母教能幹蠱
家以日裕而謹遵宗尹遺言兄
弟聚處藹然和樂孺人尤好德

喜施族女寡居而貧有勸其他
適者孺人聞之曰為婦改節有
玷瞿氏矣厚資給之俾全其志
孺人兄之子當遠役母老無以
為養調以粟帛既而以疾卒為
棺具殮葬之益厚給其母人稱
孺人賢而有德者無間言也子
四人迪娶沈氏迎娶周氏繼王

氏暹娶彭氏遯娶朱氏女二人
長泚清適劉忠次泚寧適蔡旭
孫男六人珍理璋琿琦璉珍習
舉子業娶俞氏孫女二人長適
費寬次在室嗚呼宗尹之敦厚
樂善相以孺人慈泚之德以正
厥家教成諸子其行可泯而無
傳乎宜刻石昭德表之墓道乃

系以辭

瞿之宦業著厥先宗尹克紹操
履堅相以內閭泚且賢歸而偕
藏甘谿阡昭其休光永世傳
大明正統十年七月十五日立石

挽詩序

挽詩之作人情之厚者也世云一死一生乃見交情夫既死而復哀輓之不亦厚乎孟子曰哭死而哀非為生者也夫哭發於至情而亦有為生者果情乎由是而觀輓詩之作亦有可擇者矣黃鳥之詩哀三良不得其死

也田橫客輓歌傷其主屈於時也後之薤露蒿里但致哀傷之意而無所擇也近世輓詩亦有類焉或以其有功德於時或以其交好之篤或惜其才德不致於用或憫其不幸而輓之此其情也若其迫於勢利狃於私好固不可槩論也錢唐瞿宗尹氏

孝友之行聞於鄉邦安處田里不求仕進以詩書教子孫終其身而時之士君子多為輓詩其子迪彙集之俾予書首簡羣公輓之者豈非以其抱負才德不用於世歟為善之譽足以勵鄉人乎其視勢利之交以好惡為毀譽者不同矣取其情不計其

詞也昔趙簡子之子伯魯父授
之簡輒忘之迪念其父有足感
人者謀傳之永久其家學淵源
可知矣於是乎書

正統十年冬十一月長至光祿
大夫柱國少保禮部尚書兼

武英殿大學士 國史總裁同知

經筵事南郡楊溥叙

瞿氏二親挽詩序

錢唐瞿迎德恭之先考宗尹處
士以宣德丙午九月十二日卒
于金臺之寓舍享年六十有七
妣夏氏孺人之卒以正統乙丑
三月五日享年七十有二距處
士之卒已廿年矣德恭兄弟先
後奉柩歸塋於其邑甘溪寨之

原大司成安成李公為銘其墓
少宗伯臨川王公復為表之而
搢紳大夫又從而為詩以挽之
凡得若干篇德恭兄弟彙次成
帙嘗求前少保南郡楊公序諸
首茲復屬余言綴於後余昔過
錢唐時人猶極口稱處士之賢
曰某者鄉之善人也今止矣今

止矣言已而怛然若有所失余
心識之及來京師游成均德恭
遣其子珍從余學時夏孺人尚
無恙余間過其居德恭兄弟必
扶掖孺人出見客道鄉里故言
語煦煦諸子侍怡怡愉愉無譁
言遽色童幼間欣欣如也余以
是信處士之善貽厥後與孺人

之善相其家而錢唐之人之慕
於處士者非妄也未幾孺人以
壽終德恭兄弟哀毀逾禮既歸
塋復謀所以表白二親之行而
一時臣卿碩儒競為銘詞挽章
以稱悼之者連篇累什不一而
足此文豈勢力所得而致要亦
以處士孺人之德著於內外者

有素故秉彝好德之心之在人
人者自不能不於言詞而發之
也然則是詩也殆與蒿里薤露
之歌異世同情而尚可同傳於
悠久也無疑嗚呼若瞿氏二親
者豈非難能乎哉余重德恭請
序以復之德恭兄弟四人迪迎
暹遡德恭其次也

景泰三年壬申冬十月之吉
嘉議大夫兵部左侍郎翰林院
學士兼左春坊大學士知

制誥兼

經筵官淳安商輅序

挽詩

平生行誼重璵璠惆悵于今不
復存惟有令名傳邑里還將懿
範表閨門庭萱委悴悲風冷海
鶴高飛苦霧昏多少當時懷惠
者猶來墓下酌芳樽

泰和王直

萬里聞歌過客哀那堪雙壁闕

泉臺塵昏鏡影鸞空舞天遠簫
聲鳳不回住世高年偕景福傳
家有子見多材幾看扳柏悲
孺處腸斷淒風滿樹來

文江錢習禮

自愛閒身住一廛尋常不到縣
門前只將甘旨娛親老還買詩
書教子賢隣有飢兒頻餽粥市

逢啼女即分錢平生善行多陰
德太史銘文百世傳

早持貞淑配名門垂白高堂母
德尊貞潔致規資族女編爛成
列見兒孫方期祿養榮三釜豈
料慈顏隔九原我亦登堂曾拜
識遠瞻丹旒返鄉園

同郡苗衷

白髮相期度百年黃梁夢斷竟
悠然子遵遺訓能傳業人識香
名共惜賢友愛每供頌繫食慈
恩嘗送寡居錢甘谿原上穹碑
立過者應須式墓阡

維揚高穀

仙遊一去掩衡門說著高風倍
愴神隣有疫時嘗施藥里逢歉

歲每周貧鶴歸遼海愁雲幕骨
莖甘溪宿草頻惆悵西湖行樂
處烟花無復屬斯人

台郡王一寧

鶴化遼東是幾時哀歌猶動士
林悲散財每見周人急積粟還
能賑歲饑同氣全生初出獄比
隣卧病賴頻醫堪嗟前輩風流

遠仰止高山動所思
作配高門自妙年
母儀婦道兩能全
抽簪猶憶成夫行
和膽曾聞教子賢
夜月斷機聲
寂寂春風雙塚草
芊芊百年偕老還
同穴瞑目應知共九泉

西蜀江淵

峩峩甘谿上鬱鬱瞿氏墳
山水

蟄白雲蒼嶺護幽棲

雲間沈粲

墓表初看沒後傳
共稱陰德著生前
藥疹疫癘憐傍舍
粥濟飢羸惜歉年
幾世清聲簪組在
一門餘慶子孫賢
甘谿客過重來弔
落日東風響杜鵑
七十餘年白髮踈
晚膺多福總

無如春風萱背娛萊服曉日家
園出板輿力贍孤嫠終守節教
成諸子老同居生平足配良人
德碑誌那慚太史書

彭城劉鉉

百歲光陰一轉蓬靈車頻見返
江東清秋夢斷槐柯蟻良夜丸
餘雪案熊孺子合書高士傳孟

光寧媿古人風湖橋雙塚當寒
食宿草垂楊細雨中

同邑倪謙

鶴筭悠悠七十餘昌辰奄謝露
朝晞相夫頻舉梁鴻案教子曾
裁孟母機蒿里但聞悲白髮萱
庭不見舞斑衣甘谿松柏千年
茂琬琰文章播德輝

嘉禾呂原

錢唐古名郡文獻世相傳前輩
猶堪數斯人獨可憐素無聞達
願自有隱淪緣風雨鷓原上烟
霞鶴渚邊趙家昆仲義竇氏子
孫賢不擬舟移壑徒將劍挂阡
全歸寧復恨壽已近稀年太史
題銘處幽光賁九泉

東海徐瑄

葉墜庭椿花墜萱濟人名譽沒
猶存聲詩已播平生德里閑常
懷一飯恩華表月明歸弔鶴白
楊風冷嘯哀猿不堪嘹唳山陽
笛幾度聽來欲斷魂

華陽曹義

林泉養素樂昇平垂老人傳孝

友名歉歲逢飢能施粥從兄構
難肯捐生愁中歲月思家恨病
裏關山慘客情最是甘谿埋玉
處白楊蕭瑟作秋聲

閨儀自昔共稱賢仙夢俄驚隔
九泉手線未忘春日後膽丸猶
想夜燈前萱花寂寂凋寒雨慈
竹沉沉慘暮烟賴得

當時名太史為書碑勒表新阡

清漳謝璉

世俗競紛華勢利何蠅營徒勞
役形志終身苦無成適讀處士
傳高風壓時英讀書通大義守
道養精誠家事付諸子既幹才
亦楨亦知內助賢所相良有徵
誓不越常分寵辱疇能驚行年

幾七十以此安其生仲氏樂全
集雅歌皆正聲悲風吹遺響一
氣乃同情回首甘溪原溪流長
自清征車過必式烏啼山月明

臨川吳餘慶

生同居室死同巖重掩泉臺歲
月長千古閨門示儀範一生高
行發銘章菜階寐歷萱啼雨陶
徑淒涼菊傲霜祗有善祥天不
爽承家衮衮見賢郎

崇川朱禮

孝友由天賦簪纓累世榮輕財
知重義赴難欲捐生伯氏終無
恙諸郎總有成允諧同穴志太
史播休聲

永嘉黃蒙

甘溪溪水何泱泱，淵源慶澤流。
餘芳靈椿早，萎九秋露，諼草俄
驚半夜霜。霜風著木多悲調，子
念劬勞感懷抱。書香飲器增孝
思，綿漑生芻來遠，弔玄廬，扁處
漆燈明。黃鶴歸時，宰樹平青鸞。
杳杳雲邊侶，烏鳥悠悠月下聲。
獨遺一片莓苔石，千載中郎無

愧色樵兒牧豎，想聞風豈止鄉
人過者式。

晉陵王謙

隣笛哀聲慘夕陰，柏舟詠罷獨
傷心。松楸故隴埋雙壁，閭里賢
名重百金。雲鎖虛齋，林鶴怨塵
凝香閣，鏡鸞沉由來德善能貽
後世澤。源源海共深。

永嘉黃采

伉儷雙塋共一丘
玉堂有表發潛幽
隱居孝友聲譽著
教子箕裘志願酬
寶鏡鸞分頭已白
重泉劍合歲如流
客來瞻仰湖山裏
鹿獨松高翠滿眸

清流賴世隆

靈椿一夕隕西風
阿母年高亦

壽終積善有餘垂
後嗣芳名不朽見
陰功嶺猿夜半哀
聲急原草秋深慘
色同聞子聞孫俱
孝敬豐碑昭德映
蒼穹

澶淵紀振

碧梧墮秋雨白楊
凝夕暉念此泉下
人令我心孔悲伊
昔居鄉曲孝友衆
皆推歲時值荒旱
發

粟濟人飢況茲內助賢懿德泚
且慈相從歷艱險服役來

京師孰知百年內乘化竟長之雙
壁埋黃壤千古閉玄扉濟濟賢
孫子安得娛綵衣流塵滿書帙
涼月照寒機去去日云遠悠悠
無見期所貴沒後名耿耿垂穹
碑

泰和龍文

靈椿凋謝幾經秋萱砌偏憐晚
景幽修短有天終共返死生無
愧復同丘琴樽夢遠雲留室機
杼聲沉月滿樓遙憶西湖山下
路猿啼鶴怨不勝愁

豫章羅篋

少微星沒最堪憐寶婺光沉益

愴然善行尚聞鄉舊說賢聲尤
見族人傳百年委蛻藏同穴千
古銘章賁九泉欲奠芳樽何處
是武林迢遞隔山川

吳郡祝顥

椿樹凋傷二十年萱花淪謝倍
堪憐故山雙塚埋新舊客路孤
舟擁後先彷彿有靈依赤縣分

明無愧入黃泉平生潛德孚良
史夜夜奎光照墓阡

嚴陵胡拱辰

生平不作刀州夢名節無慚月
旦評疫癘肯忘朋友義急難能
盡弟兄情蓉城忽報仙騾去蕙
帳空聞怨鶴鳴惆悵錢唐江上
路夕陽孤塚斷雲橫

寶婺清宵墮碧天爭憐泚魄墮
重泉題詩載詠共姜操頌德猶
傳孟母賢塵掩竹牕秋月冷香
消蘭室夜燈懸却嗟合塋良人
宅清節同歸太史鐫

雲間錢博

游仙一夢竟止歸六十餘年事
已非北嶺猿啼驚落月南丘鶴

返對斜暉凋窮共歎人何在同
穴相看願不違太史勒銘當墓
道懸知存歿有光輝

四明洪常

聞說錢唐隱士賢仙遊不返竟
茫然百年清夢忘簪組千載餘
光照簡編東閣重揮班氏筆西
湖空載米家船白頭賴有孀居

婦近已相隨到九泉

毘陵毛玉

曾踏錢唐路親知處亡名故家
承厚澤上國遂高情鄉里思陳
寔交游哭范卿所嗟生也晚不
及奠銘旌

自是閨房秀來嬪孝義門黔婁
遺布被陶侃具盤殮此日俄乘

化何時復弄孫高原掩雙璧南
望黯愁魂

吳人葉盛

與君莫逆幾春秋為挽嚴慈涕
泗流鏡裏忽忘雙鬢雪客中無
復五湖舟濟貧罄廩遺仁德教
子和丸有遠謀新隴重過增感
慨松楸烟雨滿荒丘

東魯牛循

德望當時藹

帝京更兼內政有賢名享年共喜
逾花甲歸夢那堪繞故城雪徑
梅開閒履齒秋堂月冷斷機聲
森森蘭玉承家學墓石來鐫太
史銘

嚴陵洪弼

自昔衣冠擅浙東平生高義孰
能同恩全手足天倫美惠浹鄉
閭善譽隆丹鳳方期鳴

禁闕少微俄見墜瑤空九原杳杳
應難起楚些歌殘恨未終

瑤空寶婺迥無光萱草俄驚墮
夜霜懿行徒聞傳錦里彩衣無
復戲華堂神遊蓬島三山遠事

歎空花一夢長
合祔新阡應不
愧芝蘭玉砌正
騰芳

淳安方輔

百年偕老共為期
豈料仙遊竟
莫追里閨至今推
道義閨門當
日仰刑儀江湖夢
斷秋風冷機杼
聲殘夜月遲遙想
甘溪埋玉處
蒼蒼烟樹護穹碑

碧漢連宵鎖暮雲
少微光黯婺
星昏惟餘手澤留
書卷無復熊
丸課子孫華表鶴
歸人已遠粧
臺鸞去鏡空存可
憐黃壤埋雙
壁風雨蕭蕭哭斷
猿

廣陽趙昂

雙劍分飛黯窈窕
悲風蕭瑟不堪
聞銘文同載生前
德楚此難

招地下魂猿鶴淒清哀夜月麒
麟吟落卧秋雲阿誰吹徹山陽
笛多少行人拭淚痕

莆田翁世資

林泉蕭散葛天民善行尤誇孝
二親遠濟難兄居狴犴溥周貧
士滿鄉隣鶴歸華表人遺世鸞
去粧臺鏡掩塵翹首故山埋玉
處野煙荒草倍傷神

文江周紀

堂上雙親樂壽康那堪嬰疾繼
淪亡高風惟遺書千卷舊服猶
存線幾行蘇癘濟貧垂令德同
墳合葬倚斜陽甘溪月落猿聲
切聞罷潛然淚滿裳

雲間陳瓊

老鶴凌霄竟不回
彩鸞飛去幾時來
空閒明月青藜杖
誰整東風玉鏡臺
霜落椿陰堂際冷
雪驚萱草閭中哀
雙墳只在錢唐路
惆悵無因奠一杯

上虞葉冕

馬鬣危莪對夕陽
白頭夫婦此同藏
賢名泚行傳千古
高節清

風蓋一鄉尚說謝
家春草夢獨憐
寶砌桂花芳
史官特為銘
貞石倍見墳頭有
耿光

四明史敏

家室相宜共白頭
南柯一夢竟仙遊
衣冠不復瞻儀範
籩豆俄驚失薦羞
羞山月啼猿春寂寂
海天歸鶴路悠悠
無慚太史書潛

德一片穹碑幾百秋

江陰卞榮

不向王門學曳裾教兒親課五
車書長疑遐筭追銅狄翻見生
芻蕘玉蛆苔徑雨深遊屐斷蘆
灘月冷釣舟虛姓名賴有行人
識墓道時時聞歎歎
一日西風到北堂紫萱遽失舊

斯人既云沒里閭誰不傷琴樽
竟寂寞亭館空淒涼湖山暗風
雪凌寒梅自芳秋草綠年年丘
墳迷莽蒼巖椿不可見慈顏亦
同藏子抱終天悲泣涕如雨滂
嗟哉命何脆金石詎能方遺後
見銘文千古有耿光

舜江柴蘭

卓哉君子喜周貧贊助閨門羨
孺人共擬期頤安上壽俄驚先
後謝浮塵春風閒却花間夜
雨空餘水上蘋泚德潛光知不
朽椒魂杳杳越溪濱

泰和吳遵

見說雙親總棄止佳兒馳念接
天長入門常想儀容著展卷猶

聞手澤香陰隲及人稱翰苑善
名滿耳頌錢唐甘溪寨上穹碑
立野草荒烟慘夕陽

吉郡尹禮

雙親淪沒幾經年懿行由來世
共傳出粟賑飢名尚在斷機教
子壁空懸佳城寂寂荒秋草宰
木蕭蕭鎖暮烟賴有承家多俊

彥應知積善慶綿綿

莆田林祥鳳

多君積善慶綿綿尚義捐資意
慨然浙水世居身隱逸京華旅
寓迹飛仙墓間寶劍空懸樹壁
上焦桐已絕絃鴛偶繼止同葬
處東風芳草綠芊芊

東吳范子易

憶從歸櫬葬牛眠奄忽于今二
十年三徑空遺陶令隱一丘同
盡孟光賢甘溪宰木迷春隴浙
水衡門隔夜泉自是生平多種
德諸郎文采足光前

匡南胡鼎

百年伉儷不相違千里關河旅
櫬歸往事竟隨蕉鹿化香魂空

逐鏡鸞飛眼前手澤遺殘帙窓
下凝塵有斷機惆悵西湖雙塚
上冷風吹雨濕苔衣

臨川聶大年

平居相敬儼如賓敦尚綱常邁
等倫深歎協心能盡孝更憐同
志好賙貧子孫遵教皆成立宗
族為規懿化淳捐館後先歸故

隴墓銘紀德播千春

錢唐王謙

處士仙遊二十年孺人俄復履
雲輶鳳簫塵世聲遺遠鸞鏡泉
臺影再圓百載清風成鶴夢兩
函白玉葬牛眠乞銘太史昭潛
德共喜承家有子賢

錢唐丘厚

先生家世住西湖有詔當年上
帝都傾橐每調貧乏用積書祇為
後人圖玉樓記就秋風早玄室
魂歸夜月孤耆舊到今談盛德
歌殘楚些淚應枯

二十年来失所天母儀婦道喜
兼全壽添華髮方娛老夢熟黃
梁遽作仙夜月粧臺愁寂寞春

風綵服思凄然賢孫跨竈攻儒
業終有

恩光賁九泉

金臺關達

先翁辭世遠德積後昆貽好善
人多羨調貧衆所推秋霜惟感
慨春雨益淒其高塚西湖上銘
鐫太史碑

一夕庭萱墮令人遽啓悲杜鵑
聲欲斷蝴蝶夢無期蕙帳蕭條
夜羹墻寂寞時仙魂杳何處應
擬赴瑤池

同郡賴福

白頭賓敬介耆年何事仙遊竟
不還行館蕭條東郭外斷機零
落北牕前寒岩夜靜猿啼月玄

圃秋高鶴唳天追想焚囊遺愛
薦幾回傷感淚潸然

從姪瞿達拜書

佳城卜築甘溪上美玉雙埋已
十年松帶白雲迷弔鶴花殘紅
雨怨啼鵑生前善行多人羨死
後賢名太史傳無復登堂聆謦
欬臨風三歎思悽然

眷生沈寧載拜書

哀辭

錢唐瞿處士沒已廿載至今人
皆悼惜焉今年春厥配夏孺人
卒于

京師其子暹歸柩合葬于甘溪之
原乞文以表諸墓道復得諸縉
紳賦詩以哀挽之嗚呼處士何
其感人深耶蓋其家居躬行

孝友嘗作粥以濟鄉人之飢從
兄佑繫獄八載供服食而無倦
色凡事有可利於人者必力為
之予雖未識處士重其高誼若
此庸為辭以哀之辭曰



繫吉人之洵美兮稟德性之淳
良衍先世之慶澤兮至斯胤而
益昌值歲之早暵兮民乏食而

